

causæ jugulum petit. In prima Constitutione, quæ incipit, *Cum præexcessa*, declarat Pontifex, Missam, & Canonicum Officium ab se institutum, in quibus Conceptio non semel dicitur *immaculata*; eisdemque Indulgentias illis attribuit, quibus Urbanus Quartus solemne Festum Corporis Christi, & ejus Officium Ecclesiasticum ornaverat. In secunda, & tertia, quarum idem initium, *Græve nimis*, Romanam inquit Ecclesiam Conceptionis Officium peculiare ac proprium instituisse. In tertia Conceptionem appellat *immaculatam*. In secunda vero aperte damnat ut *falsa, erronea, a veritate aliena* eorum verba, qui dicerent, Ecclesiam Romanam celebrare tantummodo Conceptionem spirituales, sive Deiparæ sanctificationem, hoc est sanctitatem eidem tributam tempore incerto post Conceptionem. Neque vero sum nescius, fuisse nonnullos, qui hoc secundum Sixti diploma unquam editum pernegarent. Quos doctissimi viri testimonio gravissimo refellerunt Antonii de Monte, qui cum esset generalis Auditor Apostolicæ Camerae, ex juris formula de hujus diplomatis editione quæstionem instituit; ac subinde sententiam tulit, ejus autographum se vidisse nec depravatum, nec ullo modo interpolatum. Cujus testimonium publicis tabulis descriptum est postridie Idus Decembris anno Christi 1504. Julio Secundo Pontifice Maximo.

III. *Pius Quintus in exordio Constitutionis 114. data pridie Kalendas Decembris anno 1570., quæ incipit, Super specula*: Considerans non sine animi sui dolore (*hoc est exordium prædictæ Constitutionis*) quosdam diversorum Ordinum Regulares, Clericosque sæculares, qui, omisiss, quæ Divinæ Majestatis gloriam, & Sanctissimæ Dei Genitricis, aliorumque Divorum venerationem, atque fidelium pietatem promovere poterant, quod Apostolus in quibusdam arguit, languent circa quæstiones, & pugnas verborum, ex quibus oriuntur invidiæ, & contentiones, cæteraque vitiorum monstra; potissimum vero cum de gloriosæ Virginis Mariæ Conceptione sermo incidit, tam pertinaciter pro alterutra par-